

ԳԻՏՆԱԿԱՆԻ ԱՐԳԱՄԱՐԵՐ ՈՒՂԻՆ
(Ա.Վ.Քյուրքչյանի ծննդյան 60-ամյակի առթիվ)



Լրացավ վաստակաշատ պատմաբան և մանկավարժ, Երևանի Խ.Աբովյանի անվան պետական մանկավարժական համալսարանի Ռուսաստանի պատմության ամբիոնի վարիչ, պատմագիտության դոկտոր, պրոֆեսոր Ալեքսանդր Հայրիկի Քյուրքչյանի ծննդյան 60 և դիտա-մանկավարժական գործունեության 35 տարին:

Ծնվել է 1941 թ., Երևանում, տոհմիկ և ավանդապահ մտավորականի ընտանիքում: 1963թ. ավարտել է Խ.Աբովյանի անվան հայկական պետական մանկավարժական ինստիտուտի պատմալեզվագրական ֆակուլտետը և նույն տարում ընդունվել այդ ինստիտուտի ասպիրանտուրա՝ ԽՍՀՄ պատմություն մաս-նագիտությամբ:

Ա.Քյուրքչյանը իր գիտական գործու-նեությունը նվիրել է հայ պատմագիտության կարևորագույն մի հիմնախնդրի՝ Հայ-ոտոսական հարաբերությունների ուսում-նասիրությանը: Այս թեմայով 1970թ. նա պաշտպանեց «Հայ-ոտոսական առևտրատնտեսական կապերը XVIII դարի առաջին քառորդում» թեկնածուական ատենախոսությունը: 1971 - 1995թթ. Ա.Քյուրքչյանը զբաղեցրել է նույն ինստիտուտի ԽՍՀՄ պատմության ամբիոնի վարիչի տեղակալի, ապա նաև պատմաաշխարհագրական ֆակուլտետի դեկանի տեղակալի պաշտոնները: Գիտակազմակերպչական ընդունակությունների ու մարդկային բարձր առաքի-նությունների շնորհիվ 1995թ. նա ընտրվեց Ռուսաստանի պատմության ամբիոնի վարիչի պաշտոնում:

1992թ. Ա.Քյուրքչյանը պաշտպանեց դոկտորական ատենախոսություն՝ «1826 - 1828թթ. ռուս-պարսկական պատերազմը (պատմություն և պատմագրու-թյուն)» թեմայով: Գիտնականի շատ աշխատություններ հրատարակվել են նաև ռուսերեն ու ֆրանսերեն:

Ծանրակշիռ են Ա.Քյուրքչյանի մենագրությունները՝ նվիրված 1826 - 1828թթ. ռուս-պարսկական պատերազմի պատմությանը: Պատրաստ է հրատարակ-ման մեկ մենագրություն և մեկ գրքույկ՝ նվիրված Հայ-ոտոսական առևտրատնտե-սական կապերին և Օչականի ճակատամարտին:

Ա.Քյուրքչյանը, իրոք, անհատականություն է, որ լիովին դրսևորում է գիտնական-մանկավարժի և ազնիվ մարդու, կայուն և շիտակ սկզբունքների տեր քաղաքացու, զգայուն և նվիրված ընկերոջ հատկանիշները: Նրա գործն ու վաստակը ապահովել են իր համար բարի անուն, սեր ու հարգանք՝ գիտական չրջաններում, աշխատանքային և ուսանողական միջավայրում: Պրոֆեսոր Քյուրքչյանն այսօր գտնվում է իր ստեղծագործական ուժերի ծաղկման չրջանում, և գիտական հասա-

լրականությունը, ուսանողությունը բազմալատակ մանկավարժին և արգասավոր գիտնականին ցանկանում են առողջություն, երկար տարիների բովանդակալից ու արգասավոր կյանք, ստեղծագործական նոր մտազգացումների իրականացում:

Կ.Ա.ՀԱՐՈՒԹՅՈՒՆՅԱՆ

Պատմական գիտությունների դոկտոր

Հ.Հ.ՄԱՆՈՒԿՅԱՆ

Պատմական գիտությունների թեկնածու

Հանդեսի խմբագրությունը և շնորհավորում է վաստակաշատ գիտնականին՝ նրա ծննդյան 60-ամյակի առթիվ և մաղթում քաջառողջություն ու կորով՝ իր գիտական արդյունավետ գործունեության ասպարեզում: